

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Allaffeqarfimmit paasissutissiineq

Imm. 3.1 Maniitsumi nutarsaanermut aningaasaliissutaasunit agguaassineq

Imm. 4.1 Maniitsumi Bussit unittarfii

Imm. 4.2 Puttasut pillugit malittarissiat nutarternissaat

Ataatsimiinneq allartippoq nal.

Ataatsimiinneq naavoq nal.

Peqataasut:

Inuit Ataqtigiit

Siumut

Inuit Ataqtigiit

Naleraq

Nalunaaruteqarlutik peqataannngitsut:

Nalunaaruteqaratik peqataannngitsut:

Imm. 3.1 Maniitsumi nutarsaanermut aningaasaliissutaasunit agguaassineq

Journal nr. XX.XX.XX ERP Illuutitik nutarsaanissamut aningaasaliissutit/Ataatsimoorussat 500001

Tunuliaqutaq

Qeqqata Kommuniani illunik inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piunnarnissaat qulakkeerreqarsinnaalluni.

2021-mut nutarsaanissamut aningaasaliissutini suliasatut pilersaarutiniinnikuusut suliniutit tullinnguuttut naammassineqarnikuupput:

- Maniitsumi eqqumiitsuliortut sannavianni kissarsuummik kiassaatinillu taarsersuineq.
- Kangaamiuni Timesortarfeeqqami igalaanik taarsersuineq.
- Maniitsumi B-1010-mi kiassaateqarfimmi illup qaavanik ussiitsumik nutarterineq.
- Maniitsumi B-598-imik oquiaaneq.

Taakku saniatigut allaffissuarmi elevatorimik iluarsartuussinermut aningaasartuutit nutarsaanissamut aningaasaliissutit atorlugit akilerneqarpoq.

2021-mut suliasatut pilersaarutiniinnikuusut suliniutit tullinnguuttut naammassisarneqalerput:

- Napasumi aturfimmi silaannarissarfinnik iluarsaassineq oquiaanerlu.
- Maniitsumi aqqusinilerisut pequusiviata (mandskabshus) saqqaanik nutarsaaneq.
- Maniitsumi mekanikerinut sannavimmi suliasat assigiinnigitsut.
- Atammimmi timersortarfik tamatigoortumik nutarsaaneq.

Sisimiuni Teknikkeqarnermut Avatangiisinullu immikkoortortaq aamma Maniitsumi Teknikkeqarnermut Avatangiisinullu immikkoortortaq tamarmik immikkut Teknikkeqarnermut Avatangiisinullu ataatsimiititaliamut ukiumut aggersumut nutarsaanissamut aningaasaliissutinik agguataarnermi allannguutit pillugit ukiut tamaasa suliamik saqqummiussisassapput.

Selskabimik pilersitsinermut atatillugu Esanip suliaanut atuiffiit arlallit atorlugit aningaasaliissuteqarneq peqqutaalluni, ukiuni 2021-imi 2022-milu missingersuutit katillugit 13 mio. koruuninut appartinneqarput. Sinneruttut 13 mio. koruunit agguariaaseq Sisimiuni Teknikkeqarnermut Avatangiisinullu immikkoortortamut 7,8 mio. koruuninik aamma Maniitsumi Teknikkeqarnermut Avatangiisinullu immikkoortortamut 5,2 mio. koruuninik atorlugu maanna agguaanneqarput.

Maleruagassatigut tunngavigisaq:

Teknikkeqarnermut Avatangiisinullu ataatsimiititaliap sanaartornermut atuiffimmut 562040600 akisussaasuvoq.

Qeqqata Kommuniata illuutini nammineq akisussaaffigai.

Pissutsit atuuttut

Aserfallatsaaliinermut aningaasaliissutit ukiorpassuarni killeqarnikuusimapput, taamaalillunilu paarinniinnarnissaq siunertaralugu aserfallatsaaliinissaq ajornakusoorsimalluni, tamatumalu saniatigut ileqqupalaajusimavoq, illut aatsaat aserfallalluinnaraangata suliasanik aallartitsisarneq taamaaliornikkullu nutarsaanissaq akisunerusarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami piginnarsinnaaniassagatsigit.

2022-mut agguataarineq tassaavoq 2020-2021-mi nutarsaanissamut aningaasaliissutitut missingersuutit nallersueqqinneq. 2022-mut missingersuutit suliniutinik ingerlareersunik ingerlatseqqittoqassaaq.

Atuilluartuunissakkut kingunerisinnaasai

Pilersaarutitut aserfallatsaaliinerup kingunerissavaa, Kommuni atortuutaata illuutaatalu siunissamut paariinnarneqarnissaat sivisunerusumilu atorneqarsinnaanissaat. Aammattaaq illuutit pioreersut paariinnarneqarsinnaappata, Kommuni illunik nutaanik pisariaqanngitsumik sanasariaarutissaaq, tamannalu inuiaqatigiinnut akikinnerussalluni.

Aningaasaqarnikkut allaffissornikkullu kingunerisinnaasai

Maniitsumi Teknikkeqarnermut Avatangiisinullu immikkoortortaq 2022-mi nutarsaanermut aningaasaliissutit pillugit aningaasanik immikkoortitanik agguataarinissamut 5,2 mio. koruuninik siunnersuutitalimmik ilanngussamik 1-mik takkusaqarpoq. Iutigitillugu suliniutini ataasiakkaani isumaqatigiissusiortoqarnera malillugu imaluunniit ajoqutinik tassangaannaq pilersoaqartillugu iluarsisariaqakkanik sapinngissamik pitsaanerpaamik aningaasaliissutit tamakkiisut atorsinnaajumallugit, ukiup naatsorsuuseriffiusup ingerlanerani agguataarineri allatut pingaarnersuunissamut Teknikkeqarnermut Avatangiisinullu immikkoortortaq pisinnaatinneqarpoq.

Ilaqutariinnik inerisaavimmi sanaartorneqaaqqammersumik oquiaanissamut aningaasartuutaajumaartussat 2022-mut suliaassanut allattuivimmi ilanngunneqarput, 0,833 mio. koruunit missaaniittussat naatsorsuutigineqartumik. Taamaattumik aningaasartuummik siumut takunngisamik siulianiittumik matussusiinissamut ilassutitut aningaasaliisoqarnissaanik qinnuteqarnissaaq pisariaqassanngilaq.

Allaffeqarfiup naliliinera

Aningaasaliissutit ilai sanaartukkat pigisatta piujuarnissaannut atorneqassapput, soorlu illup iikkersuutaanik qalipaarnert, pisariaqalernerani nutaanik ussinnerusunik igalaalersuinerit, soorlu silaannarissarfilersuinerit, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinnginnerulernissaaq aamma siunertaralugu.

Suliniutit missingersuutitaleriikkat aammalu ukiup siuliani aallartinneqarsimasut ingerlaannarnissaat pingaarutilerujussuuvooq, tamatuma qulakkiissammagu, suliniutit siusinnerusukkut akuersissutigineqartut naammassineqarnissaat.

Atuisut suleqatigalugit illut nutarsarneqarnissamik pisariaqartitsisut sinneri nassaarineqarput. Pilersaarutaasoq tassaavoq, atuisut suleqatigalugit suliaassanik ukiumiit ukiumut nalilersueqqittoqartarnissaa, tassani atuisut pisariaqartitaat tunngavilersuutaallu pilersaarusiornermi ilanngunneqartassallutik. Taamaaliornikkut Teknikkeqarnermut Avatangiisinullu immikkoortortaq teknikkikkut tunngaviumik misissuunissamut piffissanissaaq.

Innersuussut

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut innersuussutigaa:

1. Ilanngussaq 1 naapertorlugu 2022-2023-mut Maniitsumi Teknikkeqarnermut avatangiisinullu immikkoortortap ataani nutarsaanissamut aningaasaliissutinut ukiumoortumik aningaasaliissutaasunit 5,2 mio. koruuniusunit agguataarinissaa akuersissutigineqassasoq.
2. Suliariumannittussarsiuussereernerup kingorna neqeroorutaasut missingersuutininik naapertuutinngippata, missingersuutit tamakkiisut sinaakkutaasut iluanni Teknikkeqarnermut Avatangiisinullu immikkoortortaq naligiissaarisinnaaneranik pingaarnersiuisinnaaneranillu pisinnaatineqaannassasoq.
3. Nutarsaanermut aningaasaliissutit iluanni missingersuutinit iluarsissuteqarnej pingaarnersiuiunerlu Maniitsumi Teknikkeqarnermut Avatangiisinullu immikkoortortamit isumagineqartassasoq.

Aalajangiineq

Ilanngussat

1. 2022-mut nutarsaanermut aningaasaliissutinit agguataarinissamut innersuussut.

Imm. 4.1 Maniitsumi Bussit unittarfii

Journal nr. XX.XX.XX

Tunuliaqutaq

Kommunalbestyrelsemut ilaasortaq Aqqalu Skifte Maniitsumi bussit unittarfii pillugit siunnersuuteqarnera aallaavigalugu TAA ataatsimiinnermini aaliangiivoq busi unittarfiisa allanngortinneqarsinnaanerata allaffeqarfimmit misissorneqassasoq.

Maleruagassatigut tunngavissat

TAA ingerlatsinermit tunngasunut akisussaasuvoq matumani bussinik ingerlatsineq ilanngullugu. Kalaallit Nunaanni aqqusinertigut angallannermit inatsit.

Pissutsit atuuttut

Bussinut ingerlatsinermit isumaqatigiissut 03.05.2016-imeersoq 31.05.2021-imut atuussimasoq 31.05.2023-llu tungaanut sivitsorneqarsimasoq naapertorlugu Maniitsumi bussit ingerlaarfianni uniffissat 26-iupput uniffissanilu tamani minutsit uniffissat siumut aaliangigaallutik.

Isumaqatigiissut malillugu uniffissanik allannguisinnaaneq periarfissaavoq, taamaaliortoqassappat ingerlatsisoq Teknikkimut Avatangiisinullu Immikkoortortaq peqatigiillutik isumaqatigiinniartussaallutik ingerlaarfimmi minutsit uniffissallu aqqissuunneqarnissaat eqqarsaatigalugit.

Allaffeqarfiup bussinik ingerlatsinermit isumaqatigiissuteqarfigineqartoq ulloq 22.02.2022 ataatsimeeqatigivaa, allannguutissatullu siunnersuutit amerlanerit (takuuk ilanngussaq 2) ingerlatsisuusup isumaqataaffigai, taamaakkaluortoq illoqarfiup qeqqani uniffiup ataasiinnanngortinneqarnissaani oqaluffitoqqap saavaniinnissaa isumaqataaffiginagu. Bussinik unittarfiup allakkeriviup akianiittup atorneqarnissaa ingerlatsisuusup orniginarnerutippaa, tassani bussit marluk ataatsikkut unissinnaanerata periarfissaammata, bussinullu ilaasut amerlanerpaat piffimmi tassani niullutillu ikisarnerat pissutigalugu. Unittarfik taanna peerneqassagaluarpat atuisunit naammagittaalliortorpassuaqarnissaa ilimagisariaqartoq oqariartuutigaa. Isumaqatigiissuteqarfigineqartoq isumaqarpoq unittarfik oqaluffitoqqap saavaniittoq kiserngorutissappat meeqqat atuartuariartortut eqqarsaatigalugit aqqusinikkut ikaartarneq ulorianarnerulissasoq meeqqat qiviaqqaaratik ikaariisaartarnerat takornartaanngimmat. Unittarfik ataasiinnanngussappat bussit marluusut piffimmi sivisunerulaartumik uninngasarnissaat pisariaqalissaaq tassanilu uninnganermi inissaq ajornartorsiutaasartoq ingerlatitsisuusup oqaatigaa biilit oqaluffitoqqap saavani uninngatinneqartartut inissamik annertuumik atuisarmata.

Bussinik unittarfiit allannguiffineqassappata politinut nalunaarutigereerput allannguutissallu biilnik ingerlatsinermit ajoqutaannginneri qulakkeerneqareerluni.

Atuilluartuunissakkut kingunerisinnaasai

Atuisut illoqarfiup bussii atorlugit angallassissutinik tamanit atugassianik atuisarnerat tamanut naammaginartumik allanngoqattaanngitsumik bussinik ingerlaarfeqarnissap qulakkeerneqarnissaa ingerlaarnerullu sapinngisamik sivikitsuunissaa isumannaatsuunissaalu pisariaqartutut isigineqarput.

Aningaasaqarnikkut allaffissornikkullu kingunerisinnaasai

Isumaqatigiissutitigut allannguutit suulluunniit, allannguutigineqartup suussusaa apeqqutaalluni suliasatigut aningaasatigullu kingunissaqartarput.

Unittarfik allakkeriviup akianittoq peerneqassappat ingerlatitsisusooq oqaatsitigut ilimasaarivoq ilaasunit akiliutaasartut sapaatip akunneranut 5.000 kr-it missaani ikilissasut.

Allaffeqarfiup naliliinera

Allaffeqarfik isumaqarpoq allannguisoqassappat illoqarfiup qeqqani unittarfiit pingasuusut ikilisinneqarsinnaanerit periarfissaasoq. Pitsorluttut eqqarsaatigalugit allakkeriviup akiani oqaluffioqqallu saavani bussit unittarfiisa attatiinnarnissaat pisariaqartoq allaffeqarfiup nalilerpaa.

Taamaattoq ingerlatsisussarsiornissap tullissaanut ingerlaarfiit unittarfiillu sapinngisamik amerlanerpaanut iluaqutaasussanngorlugu pissutsinullu atuuttunut tulluarsarlugit suliarineqarnissaat pisariaqartut isumaqarfigalugu.

Innersuussut

Allaffeqarfiup Teknikkemut Avatangiisinullu ataatsimiititaliamut innersuussutigaa:

- Siunnersuutigineqartut nassuiaatigineqartullu aallaavigalugit bussinik unittarfiit allannguiffigineqassanersut aliangiiffigineqassasoq.

Aalajangiineq

Ilanngussat

1. Aqqalu Skiftep emailkkut oqaluserisassatut siunnersuutaa
2. Bussit unittarfii allannguiffiusut

Imm. 4.2 Puttasut pillugit malittarisasiat nutarternissaat

Journal nr. 24.01

Tunuliaqutaq

Kommunalbestyrelsemut ilaasortat Aqqalu Skifte aamma Karl Lyberth februarip 4-aani 2022 TAA-p ataatsimiinnissaanut Maniitsumi puttasut aammalu aalisartut talittarfiat pillugu oqaluuserisassanngortitsipput.

Ataatsimiinnermilu tassani aaliangerneqarpoq allaffeqarfik TAA-p ataatsimiinnissaanut tullermut puttasut pillugit malittarisasiat nutarterlugit siunnersuummik saqqummiussaqaasasoq.

Aamma Sisimiuni nutaanik puttasunik parnaartartulinnik ikkussisoqarnikuuvoq taakkualu akiliilluni attartorneqartarnissaat siunniunneqarnikuulluni.

Maleruagassatigut tunngavissat

Karseqarnermut naatsorsuuserinermullu malittarisassat.

TAA ingerlatsinermut tunngasunut matumani puttasut nakkutilliivigineri ilanngullugit akisussaasuvoq.

Puttasut akiliilluni atorneqarsinnaasut, kommunip akigititaanut 2022-moortumut ilanngunnikuupput.

Pissutsit atuuttut

Puttasut pillugit malittarisassiat 2011-imeersut malillugit puttasunik nakkutilliineq ingerlanneqarpoq. Malitassiat malillugit umiatsiaaqqat uninngaannartut/aallarneq ajortut puttasuni pingaartumik ukioq naallugu immamiitinneqartartuni inikilliuutitsilertartut iliuuseqarfigiuminaapput.

Umiatsiaaqqat aallassanatik iluamillu nakkutigineqaratik puttasunut pitoqqatinneqartut amerlavallaalersimani iliuuseqarfiginiarlugit malittarisassiat allanngortilaarneqarnissaat ersarissarneqarnissaallu pisariaqalersimalluni.

Malittarisassiami 2011-meersumi puttasut atornerinut akiliuteqartannginnissaq allanneqarsimavoq, puttasunut aaliangersimasunut akiliuteqartitsisoqartalissappat taanna aaqqinneqartariaqarpoq.

Atuilluartuunissakkut kingunerisinnaasai

Umiatsiaaqqat nakkutigineqaratik aallassanatililu puttasunut pitoqqatinneqartut inikilliuutitsinerat iluarsivigineqarpat atuilluartuunerussaaq.

Aningaasaqarnikkut allaffissornikkullu kingunerisinnaasai

Nakkutilliinermut aqqusinermi sulisut tiimit atugaasa saniatigut aningaasaqarnikkut malunnaatilimmik kinguneqassanngilaq.

Umiatsiaaqqamik qaqitsineq ataaseq 500-900 kr-it missaani akeqartinneqartarpoq umiatsiaaqqap angissusaa apeqqutaalluni. Umiatsiaaqqap qaqqinneqartup inuttaa naluneqanngippat akiligassaq piginnittumut ingerlateqqinneqartarsinnaavoq, inuttasaqartinneqanngippalli kommunemit aningaasartuutigineqartariaqartassalluni, taamaasillutalu akigassamik nassiussisariaqassalluta.

Allaffeqarfiup naliliinera

Allaffeqarfiup nalilerpaa Kommunep puttasuutaanut malittarisassiap 2011-imeersup

ilassuteqartinneqarnissaa/allanguuteqalaarnissaa pisariaqartoq, taamaasillutalu puttasut aaliangersimasut parnaartartullit akiuteqarluni atorneqarsinnaalissammata.

Maniitsoq eqqarsaatigalugu periarfissaasinnaavortaaq puttasut aaliangersimasut immikkut malittarisassiuunneqarnissaat periarfissiissutigineqarsinnaasoq umiatsiaaqqat anginerulaat assersuutigalugu 23 fod-i tikillugu pitoqqatitsinnaaneq periarfissiissutigalugu, taamaalilluni aasaanerani puttasuni inissakilliorfiusuni umiatsiaaqqat pitsaanerusumik atugassinneqarsinnaanerit iluaquserneqarsinnaalluni, uani Qeqqata Kommuniata puttasooqarfittaava Akunnequtip eqqaaniittoq allaffeqarfimmiik piukkunneqarluni.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut kingusinnerusukkullu Kommunalbestyrelsemut innersuussutigivaa:

Kommunep puttasuutaanut malittarisassat allannguutissaatut siunnersuut akuerineqassasoq.

Aalajangiineq

Ilannussat

1. Puttasut pillugit malittarisassiaq 2011-meersoq
2. Puttasut pillugit malittarisassiatut siunnersuut 2022.
3. Kommunip akigititai 2022-moortut

Imm. 08 Tamalaat